



足餘草序



足餘草者蓋萃平先生今管諷采也
先生丁酉來典浙試既造榜卽鐫錄

報

天

子少間乃與

縉彥

論詩取篋中藁先

得八十首命

不佞

序焉余讀竟坐而

歎曰聲韻之道權輿夙會今脩明禮
樂其在斯人與夫擊壤鄉雲光華燦
爛南風一歌卽卜荆楚之不競聲韻
之所洽上下神人通焉今之爲詩者
薄宋元而趨三唐又進而取漢魏字
櫛句比自以爲呈才標志而終不能

不尊乎典雅夫典雅何易言也典則
垂姬公之制作雅則經孔父之刪修
典叶于禮也雅叶于樂也昔孔叢論
文亦服膺于前輩之典雅若弗典弗
雅何有于才與志哉先生起東萊抱
才負志其爲語妙天下校書石渠間

諸儒咸橋舌避席去之而先生益遜
謝不遑日求其所未足孳孳不倦及
其顛俊也風局嚴峻輿論翕然而先
生仍歆歆爾不以自多蓋不啻典謨
規之和樂盪之也夫典雅之詞不在
字櫛句比也以氣取之而已先生有

矜重而不自賢是以無急響有華耀
而不加揚是以無靡音有歷落順逆
而無流連離騷之怨是以無促節若
擬之建安擬之唐初四子雖足以軼
越宋元而終不得先生敦書說詩之
意矣然草曰足餘何也余聞之鷓鴣

巢林取足而不願餘南華氏之言也
而左思詩亦云飲河期滿腹資足不
願餘先生之引此豈處矜重華耀肯
而不忘歷落順逆之意乎此其所以
取姬孔自淑也先生造經之典雅挽
詞人之敝麓洗迂儒之弱雲行且用

襄

昭代禮樂之盛發典雅之章光其在斯
乎山東自于鱗狎主齊盟今壇坫復
歸憲石相國而枚先念東玉叔韞退
諸公羽翼之以及貽上進士野鶴廣
文賓唐孝廉余皆得與之遊近讀湯

谷先生巡潮微行諸詩典則風雅更
定度越前輩而先生甚爲所推重若
賢書之役余固陋不交臂失先生
哉今先生日益貴

聖
主卜輔都俞之歌史冊竝傳禮修樂
作余所爲先生頌不止此也

順治丁酉小春之吉

西湖勞人張縉彥拜題



足餘居詩草

盧鄉張瑞徵華平六著



五言律

中酉之交避氛海上來者雲集李麟趾姻
叔地主情深愧難周應作詩見志予倚和
之

世路兵戈滿車塵兩鬢繁白雲遙贈客青鳥倦
傳言嵐氣朝看兩灘聲近作喧海津空有問何

計設長垣

飲沐浴山庄晚歸

不盡登臨意晴嵐急暮烟披巾
遲夜露漱齒吸山泉梅熟添紅
葉溪深長綠錢農歌何處起空
負夕陽還

和宋澄嵐業師雨後留客

木落仍經雨蕭蕭候鴈過寒秋
驚墮壁織月細穿蘿一夜分天
濶千山入目多知音期共語吾

道接狂歌

秋日雜感

寇盜瀰山谷徵兵匝地塵荆榛
方在眼廬舍總愁人野老悲無
褐書生嘆荷薪莫言征戰易竭
澤此農民

暮春赴京桃源道中

四野皆春色輕烟冠碧山鳥啼
人境外日落馬蹄間問涉知深
淺看雲任往還何當征路急攬

轡一開顏

旅邸阻雨

出門時沐雨竟日此淹留萬樹連雲合千谿繞
戶流野蔬頻入口清睡懶開眸不盡泥途困晨
興急暮愁

晚泊桑落樹

瘖馬人猶健賒途日已橫林深鳥自語岝曲水
無聲跋涉驚為客烽烟更苦兵自憐生事拙羸

得一身輕

過陽信抵慶雲界

山川何處盡千里迥能通前路誰相識鄉音漸
不同遙憐關樹北爭憶海雲東漸覺王畿近堯
天極目中

登迎仙臺晚眺

臺在西苑
光明殿前

當年常駐蹕層構俯諸峰曲磴盤溪壑天階起
蟄龍雲依宮樹近目極野煙重何處聞清梵蒼

涼數代松

中秋對月

客裏渾如夢長安西度秋無家猶負累多病况
增愁寥落瞻天漢清貧似海鷗那堪今夜影砧
杵動高樓

其二

遙看滄海上此月古今同千里誰相憶三秋夢
已通疎星還照榻白露急飛鴻徒倚清鐘外寒

光滿桂叢

黑升寰約九日登迎仙臺以有事未赴遙

賦二章投贈

高閣俯危欄高秋萬木寒避人非吏隱閱世本
儒冠酒待黃花熟衣分白露團素琴知自賞攀
躋迥為難

其二

祇因塵事迫遙隔白雲關

山口精舍
名白雲關又憶池邊

草心垂戶外山歌當清夜發人憶步虛還未愜
登臨興羈愁鬢日斑

送同館上若弟歸磁州省覲

趨連還鄴郡拜闕出金扉驛路雲山合天涯笑
語遠離情今夜永獻賦隔年歸莫訝征鴻遠方
春向北飛

宋荔裳出憲隴右賦別

啟事聲方重悠悠憶節新君將行萬里我亦未

歸人鴻鴈分關度雲山八夢親金城方畧在車
馬識勞臣

二

中原初攬轡寒日照征袍地接函關險天臨華
嶽高秦風咏鐵馬漢使重葡萄夜半聞羌笛三
軍正捉刀

三

隴川多勝蹟猶紀少陵篇塞外黃沙合軍中赤

羽傳弋弓方校士緩帶已籌邊
韓范功何偉升朝計日還

路品王同荔裳赴天水贈別

驅馬出燕京秦川萬里行
梅花逢隴使雲樹憶春鶻
共有登臨興長懷落日情
詩誦雄塞上檄草屬陳生

甲午除夕

歲晏惟尊酒天寒慰寂寥
猶憐稚子在未覺此

身遙除悶開書帙
瞻雲望斗杓鄉思愁入夢
展轉話今宵

夏日懷歸

頻驚為客久歸計轉逡巡
薄宦居難定羈愁病易親
浮雲增物態長日染車塵
憶別連前樹蒼蒼似故人

二

石田隣海曲荒逕遶山城
風雨年年別鄉園望

望情習勞知運甃學仕廢躬耕身外何曾問謀
家慙向平

三

亂後無新築誅茅仍舊廬亭留三世跡松是百
年餘蒼苔吹雲近書帷照月虛何時能到此
酒話居諸

夜聞促織

衆響先秋至虫音匝夜鳴露高斜漢影風亂度

松聲如嘆勞人夢悲涼壯士情中宵渾不寐殘
月入霜楹

舟中客興

西岫懸歸鷁中流起櫂歌散愁惟濁酒無恙信
輕波客倦悲鴻雁秋深想薜蘿猶憐鄉夢切渺
渺滯關河

舟行晚眺

簫鼓水聲中蒼茫聽朔風游魚驚白浪夕鳥下

丹楓樹轉荒村暮烟平大野空攬衣一長嘯踪
跡愧漁翁

阻風晚泊務關

卧席風濤急艤舟落照微相看雲樹邈預怯雪
花飛岬火千艘動城烟一帶圍烏樓何日定結
纜憶將歸

聞雁

木落催陽鳥冲寒下夕陰聲連邊月苦影帶海

門溪噉噉驚霜鬢蒼蒼矢遠音往來誰似汝留
滯到于今

舟次靜海有懷同學諸年丈

河上揚帆去蒼涼惜雁羣聯鑣常畫出邀月坐
宵分古調能容我知音獨憶君鄒枚同載筆揮
藻染宮雲

楚黃汪冶夫年兄都門約同日登舟予行
遲二日遂前後相失悵然寄別

曾結舟中約乘風未可携到江遙望楚瀕海迴
隣齊歸夢凌三島荒烟接五溪相期還隔歲春
草幾婁迷

德州道中憶平原司訓孫式毅

維舟方結纜驅馬向平原樹渺黃沙岬烟寒白
屋村星霜遊子意風雨故人軒為話十年事依
稀到里門

元夕登宋榆山燈樓陪蔚生張邑侯

讌集即席賦贈

鶉火當元夕仙車賁大東月明千樹裏花發萬
人中駕海魚龍幻攀松澗壑通尊前歌燕喜百
拜沐仁風

二

暫屈神明宰欣陪五夜遊霓裳初試曲星火迴
當樓列炬圍紅雨飛幢隱碧油遙聞歌舞處身
似在皇州

雨中別于桐江年兄後任江右步 宋業

師原韻

對君瀟洒意堪贈白雲心岐路何能別孤城此
日臨離懷江上遠客興雨中溪待醉匡廬月秋
山榭榭吟

別天階龔年兄赴南昌司李任

出入承明久新從蓮幕行浮雲看驛路皎月對
江城才豈時名重交因古道成春歸彭澤雁相

顧慰嚶鳴

盧遠心年兄招飲西湖淨寺晚歸

泛舟從所適携手入平林古寺依山盡幽篁帶
屋深聞鐘僧漸出返照日初沉肯負三秋色雷
峰尚一尋

二

夕陽看不厭鼓柁逐波輕烟白羣峰渺天高萬
籟清乍歡增別緒久語盡平生泊岫歸來晚漁

燈處處明

張坦公先生招飲吳山左寺

暝色漸黃昏
招提靜不喧
看山頻著屐
愛客急開樽
歌起泉聲咽
談深木葉翻
敢辭良夜永
今夕足平原

遊天竺

來尋天竺勝野意足婆娑
十里聞鐘梵
千山掛薜蘿
竹團青嶂曲
僧老白雲多
歸路猶能識
還

期載酒過

飛來峰

飛來何處是
此地關洪濛
懸壁危峰入
穿雲小徑通
陰晴含雨氣
來往嘯山空
遙望諸天近
霜顏下朔風

遊靈隱冷泉亭

獨來石上坐
山勢欲巉岉
臺榭清陰滿
松杉白晝寒
空潭鳴爽籟
孤岫捲層瀾
秋盡偏幽絕
丹

楓正可看

...

...

...

...

...

...

...

...

足餘居詩草

...

七言律

初秋苦雨書懷

清秋霖雨滴空堦
終日陰暝晝不開
烟氣帶雲舒練出
湍聲浮海送濤來
惟將平地看舟楫
可有伊人待溯洄
欲問淋鈴今更昔
井梧一夜濕蒼苔

久雨初霽

時甲申七月

獨坐高樓嘆逝流
遙看東海起浮漚
晴川如帶雲流濕
翠嶂生涼雨
瀉秋遊子由來隨
鹿豕征夫何計遠
貔貅淮南渭北知
無地風雨凄其凝
醉眸

秋夜聞鴈

蓼紅烟白野蒼蒼
八月天寒漸逼霜
幾度朔雲迷萬里
數聲哀角接三湘
羽傳上苑關河隔
影

斷衡陽道路長
一夜西風吹北牖
愁人蕭索動金商

避亂海陽道中

束身獨向海雲東
漢漢沙潮一徑通天入滄波
連曉日人依柔櫓信長風
感時漫自悲岐路憂亂空成賦
角弓頻歲遷流驚去住
幾堪黃葉滿山中

題望海院古碑

歲月既久風雨剝落文字
莫辨碑首蟠龍隱然猶存

何年浩劫碧陰垂
澗道崎嶇路更移
月色寒松飛鶴錫
潮音吹雨老龍螭
心歸淵鏡留虛壁
法入真微識筭砒
掃却浮雲后寂寞
霜天木落幾人知

山中霜樹

山原深處隱朝華
猶喜松雲樹樹花
寒吹疑聞巫峽雨
霜英初散赤城霞
晴籠煦日愁將夕
醉舞微風半欲斜
搖落幾經秋又盡
驅車十月尚

無家

甲申二月六日感懷諸友

癸未菜邑于是日城陷

累累千封化劫塵
東隣野哭動西隣
幽蘭爭比生前契
宿草忽驚原上新
夢裏伊吾猶昨夕
眼前骨肉但餘身
莫談積歲升沉事
我獨傷心暮雨頻

和孫式毅任孚先連夜行韻

深宵暝色迥如烟
征路迢迢歸未還
暗水有情

穿樹底幽人無夢到溪邊
隔林宿鳥啼新露帶
月寒沙落暮川墟里依稀知漸遠
蒼茫猶隔壺
中天

送趙紫水應詔

廷試

携來罇酒鬱金香持贈方驚別路長
去去雕鞍須拂柳柔柔黃鳥正啼桑
丹青久入明王夢朱絲新成國士裳
共喜彈冠今日事乘風偏好獻

長楊

獨坐

依然猶倚故園廬
匝樹清陰入落除
暇日幾多學舞劍
中宵無慮且攤書
從知利涉懷長策
何事緇塵曳短裾
乘兩欲移南牖竹
興來顛倒已成踈

寄懷王天柱

每從離亂逐征車
一日思歸興有餘
明月窺窓

人漸老閒雲入座事全疎歌聲偃仰翻新曲
果低垂饒故廬意氣多君投我好愧無尺素報
瓊瑛

趙次公招飲牛口

知君兄弟隱嵯峨為愛班荆載酒過白日倚天
留醉眼長河倒地起漁歌葦薇久向西山老鱸
膾何如北固多乘興獨來霜雪後將隨鷗鷺織
衣蓑

寓大覺庵晚坐述懷

十年短褐一書生獻賦無才答聖明羞以微
名甘下吏肯將扶策謁公卿捫蘿問月心猶壯
對酒當歌愁已并夜色蕭疎那可似此身知逐
暮雲輕

燕印遣懷次蒼伯侄韻

年光如客客中過猶喜風塵志不弛無事得隨
歸夢穩有心欲學野人醜書傳北地千回首雲

拂西山一放歌為道離羣
已在秋來叢桂滿
山阿

其二

漫道彈冠志已伸
虛窓爭柰竹聲頻
年來幾負山中約
歸計先驚客裏身
四壁閒雲時入座
一規明月儘驅貧
開軒暫借藤蘿色
睥睨尊前可具陳

寄汪僑若社長

懷君磊落古人風
別緒那堪寄海東
日暮孤檠時自語
天涯烟樹渺難通
高齋好對青梧色
征馬猶遲白露中

時予歸
期未卜

悵望蒼葭秋色晚
黃金

臺畔念飛鴻

秋夜話別初若木社兄

銀漢當天靜不流
驪駒忽唱復淹留
高歌幾醉京華月
歸夢先經海上秋
世事幸餘青眼在
離情多向白雲浮
到來薜荔猶堪佩
笑傲風前一

啟表

自內院歸道中偶成

初謁承明紫禁過雲中仙樂想鳴珂群工朝日
趨金柳匹馬深秋飲玉河祿食慙勞明主賜
文章偏屬近臣多聯鑣莫任歸鞭急欲策微躬

答帝歌

九月廿二日扈從

聖駕臨雍行釋奠禮恭賦

鸞旂朝動五雲連拜道初開御極年松檜千秋

來玉輦車書一代貴宮懸儒臣共六行門典

帝室新歌泮水篇穆穆其頌躬處隆文今

已邁黃顛

廿五日大朝

太和殿下賜武進士及第有差恭述

天開北闕幌朝暉虎拜鷄行列禁闈城上疎鐘

蓬畫漏殿中仙樂啟金扉鳴鸞東序昭玉制

臚唱西階仰 帝威盛典已成高
脫劍右又 天子正垂衣

懷王協居年兄

海上諸峰未可攀
薊門秋色滿西山
論文忽作 經年別久客
難消竟日閒
長劍倚天懷
夙契征鴻繞
夢動離顏
知君著有凌雲賦
為看乘風背腋間

寄懷兩浙督學張念蓼兄

久矣重璫璵絳幄
談經意有餘
十君青莪藻鑑
千巘蒼翠照衣裾
夜光應識豐城劍
絲筆新成越絕書
江上棣萼相對發
暮雲深望賦離居

郁 憲漳南賦別

攬轡澄清憲節高
龍巘佳氣映旌旄
山連漳海 三秋色舟下
維揚八月濤
到日應題青草賦
幾年曾駐白雲曹
懸知嶺外歸王化 帝室于今

已建寮

二

畫舫秋高鷁彩輕
冰心堪對越江清
中原管樂推雄畧
南國機雲重主盟
列郡幾人爭解綬
深宵無事坐談兵
伏波銅柱今猶在
為訪當年漢

代名

三

登堂儼若列彝尊
蔚起人宗古道存
久因喧車

懷國士羞稱駿骨到龍門
新膺使節臨東粵

南洋

兼轄潮州西縣

特畀專城控外藩
函丈依違知不遠
春暉寸草是深恩

暉寸草是深恩

寄懷上若

徙倚霜天幾鴈聞
深宵能不感離羣
年來萍梗真如客
到處秋光倍憶君
笑倚金門成拙計
誰登銅雀發竒文
漳南烟樹千重色
尺素遙通冀北雲

憂海上寇警感述四首

中原何事罷防邊
海右諸峰未息烟
鐵騎千羣收楚越
羽林十萬出幽燕
封泥無計紆籌畫
擊楫誰人任往還
欲掃欃槍沉宿霧
乘風須藉有樓船

其二

三山縹緲對崑崙
地盡瑯琊寇盜繁
不見旌旗浮日出
惟聞舟艦若雲屯
濤聲時動鼃窰窟
鋒

猶鳴桑柘村咫尺

神京稱左背天高西北

是津門

其三

驚傳遊櫓犯丁河
河上清人漫枕戈
疇挽江流欣洗甲
遙連海若使無波
秦皇橋畔黃雲暗
玄菟城南戍鼓多
聞道將軍新辟壘
大東耕鑿復如何

其四

蓬萊雄峙若銅標不盡寒聲送夜潮列嶂浮空
連島嶼狂瀾滿地幾漁樵愁心月照征衣冷旅
夢身隨鴈陣遙此日臨軒思猛士大風雲起
正蕭蕭

奉酬元履次原韻

川楓搖落識陽春緘寄詩篇迴若神拔藻不居
秦漢下讀書兼閱古今人世懸金鑑推先德學
繼昌黎屬後身欲泛薰葭葭歲暮驅車東去伴

垂綸

登蓬萊閣

雲中縹緲氣全收檻外烟波靜不流貝闕疑通
天北極珠璣時貢海東頭何年征戍窮三島終
古滄溟列十洲為問秦橋今在否吹簫聲斷白
鷗浮

西山晴雪和錫餘曹年兄韻

彤雲已卜豐年兆山色平舒淡淡容積絮望中

送萬樹如瓊天半起諸峰寒光逼眼關河近
日侵人城郭重欲放馬蹄看不厭野梅深處一
相從

二

壁立青天削玉岑無邊楓樹總蕭森雲移半嶺
來朝氣影入空連散夕陰為愛嶙峋搖素練誰
將皓魄淨塵心軒轅臺畔飄如許薜荔山中歲
月深

三

偶從雪後看山色遙憶幽人卧草堂但見晴烟
縵鳳闌那堪明月照漁陽依稀銀海秋濤落睥
睨霜天鴈影長似坐冰壺空氣象芙蓉萬疊靄
晞光

贈李望石年兄出巡湖北

殿陛聲高執法傳相看擊楫賦中流江連衡岳
稱南紀地入荆門控上游列郡望風推白簡一

天灑霧望清秋
塞惟到處歸鴻雁
駉馬行行自勝遊

關中秋夜書懷

霜滿寒梧鎖院陰
橫窗雙柏自森森
敢云相駁來燕市
漫學飛鴻起越吟
湖上雲烟秋色半

中砧杵夜堂深
循牆猶憶當年榻
明月扶蘆尚

可尋

渠丘老師丙戌與試是關稱得士
余不敏有誤知企故末語及之

聞海上寇警

忽傳赤羽動江干
海外狂濤苦未安
劍氣宵橫金鴈冷
月光晴照鐵衣寒
三秋鼓角煩東顧
萬里旌旗直北看
為問樓船標漢柱
低徊能不愧儒冠

吳山遠眺

西望湖光極目收
振衣東俯越江流
虛傳別殿惟荒草
遙憶朝天但戍樓
絕巘可攀愁鳥道
避人無恙喜漁舟
那堪秋盡空搔首
落葉紛披蘆

荻洲

王湯谷年兄招飲舟中

何處滄江慰寂寥
閒尋尊酒泛輕橈
羣峰不斷晴烟起
一水橫空落葉飄
逸興遠邀天竺月
清風親聽海門潮
漫言驄馬人爭避
緩步何妨過六橋



